



# COMUNU DE FURTEI

## PROVÍNCIA DE SU CAMPIDANU DE MESU

CÓPIA

DELIBERATZIONI N. **44**  
sa dì: **19.06.2012**

### VERBALI DE DELIBERATZIONI DE SA GIUNTA COMUNALI

**CHISTIONI:**

INDITUS DE SA GIUNTA A SU RESPONSÀBILI DE SU SERVÌTZIU  
TÈCNICU PO NDI TIRAI IS GRATAS IN FERRU POSTAS ME IS  
FANTANAS DE SU CENTRU DIURNU E DE SU MUNICÌPIU

S'annu **DUAMILLADOXI** sa dì **DEXIENOI** de su mesi de **LÀMPADAS** a is seti mancu dèxi de meri me in s'aposentu de is atóbius, fatas prima totus is cosas naradas me in sa Lei chi c'est imoi, funt stétius tzerrius oi a s'atóbiu is componentis de sa Giunta Comunali.

A sa tzerriada ci funt:

|                  |   |
|------------------|---|
| CAU Dr LUCIANO   | P |
| LEO TOLMIRIO     | P |
| MANZARI ANTONIO  | P |
| NONNIS ANDREA    | P |
| PRINZIS PAOLETTO | A |

Assistit su Segretàriu Comunali Sennori **COSSU DR. GIANLUCA** chi fait custu verbali.

Biu ca su númunu de is chi ci funt est comentu narat sa lei, su Sennori **CAU DR. LUCIANO** comentu a s'indigu pigat sa presidéncia e narat ca est obertu s'atóbiu po fueddai de sa chistioni ca est narada apitzus.

## **SA GIUNTA COMUNALI**

BIDA sa segnalatzioni de is tècnicus comunalis chi pertocat a su perìgulu de is gratas de sa majoria de is fantanas de su centru diurnu, ca funt stètias tiradas po is traballus de ristrutturatzioni, funt stètias torradas a pònniri po mèdiu de tassellus ca fortzis no apoderant su pesu de sa strutura de ferru can di podit arrui;

BIDAS is gratas de su municìpiu montadas me in sa parti chi castiat sa bia Circonvallatzioni;

### **TENTU CONTU:**

- ca in su centru diurnu totus is intradas noas fatas a fantana (in totu 6) no tenint gratas de ferru, poita no funt stètias cunsideradas necessàrias po su valori bàsciu de is atrezaduras ca ddoi funt aintru;
- ca puru in su municìpiu totus is intradas de sa parti noa (in totu 5 + sa porta de intrada), a diferèntzia de is àteras intradas chi ci funt, no tenint is gratas de ferru, e duncas no c'est utilidadi de custas chi eus nau;

RITÉNNIU duncas passau e ca no serbit su sistema contras a is intrusioni de is gratas de ferru, arrimandendu a àteru provedimentu, chi c'est su dinai, sa dotatzioni de unu sistema de allarmi e videosorvegliàntzia me in su municìpiu, comenti de pagu tèmpus postu me in sa biblioteca e s'internet point;

RITÉNNIU po sa siguresa e su decoru de is struturas comunalis de ndi dèpiri tirai is gratas de ferru chi eus nau;

CUNSIDERAU, ca in s'interis de s'installatzioni de s'impianu de allarmi, c'est abisòngiu de lassai assumancu is gratas de sa parti de palas de su municìpiu, custa in positzioni cuada e duncas prus esposta a atzionis vandàlicas e fura;

TOTU custu nau prima;

CUN votus ugualis po totus donaus comenti narat sa lei;

## **DELÍBERAT**

1) DE NDI TIRAI totus is gratas de su centru diurnu e is gratas de su municìpiu postas me is fantanas ananti a bia Circonvallatzioni (is gratas postas me in sa parti de palas ant a pòdiri èssiri tiradas candu at a èssiri postu unu sistema de allarmi);

2) DE NAI a su Responsàbili de su Servitziu Tècnicu, de fai totus is adempimentus chi serbint po ndi bogai, allogai e chi no serbint scavuai su ferru me in un muntrunaxu cuntrollau;

5. DE DICHIARAI, pustis de una votatzioni uguali po totus, custu àutu esecutivu luegus segundu su chi narat su coma 3, art. 134 de su T.U. (D.Lgs. 267/00).

**Lìgiu, aprovau e sutascritu:**

**SU PRESIDENTI  
FIRMAU CAU DR. LUCIANO**

**SU SEGRETÀRIU COMUNALI  
FIRMAU COSSU DR. GIANLUCA**

## **PARERIS PREVENTIVUS**

Segundu su chi narat s'art.49, coma 1 de su D.Lgs. 18 austu 2000 n. 267 si donat pareri favorèvoli po sa regolaridadi TÈCNICA e/o CONTÀBILE, de sa proposta de deliberatzioni formalizada cun custu àutu:

REGOLARIDADI TÈCNICA  
SU RESPONSABILI DE SU SERVITZIU

REGOLARIDADI CONTÀBILI  
SU RESPONSABILI DE SU SERVITZIU F.F.

\_\_\_\_\_

\_\_\_\_\_

—

- Si certificat ca custa deliberazioni, segundu su chi narat s'art. 32 de sa Lei 18.06.2009, n. 69, est publicada me in s'Albu Pretoriu on line sa dì 26/06/2012 e at a abarrai publicada po 15 dis de sghida.

- Benit mandada in còpia a dì de oi a is Capugrupus Consiliaris segundu su chi narat s'art. 125 de su D.Lgs 18.8.2000 n. 267.

Sa dì, 26.06.2012

**SU SEGRETÀRIU COMUNALI  
FIRMAU COSSU DR. GIANLUCA**

## **CERTIFICAUC DE ESECUTIVIDADI**

Si certificat ca custa deliberatzioni est bessida esecutiva segundu su chi narat s'Art. 134 de su D.Lgs267/00:

. Passaus 10 dis de sa publicatzioni ( . . ) - Art.134, coma 3° de su D.Lgs 267/00.

. Est stètia dichiarada luegus eseguìbili - Art. 134 - coma 4° de su D.Lgs 267/00

Sa dì,26.06.2012

**SU SEGRETÀRIU COMUNALI  
Firmau COSSU DR. GIANLUCA**

Cópia cunformi a s'originali, in paperi liberu, po manixu aministrativu.

Furtei, su 26/06/2012

Su Funtzionàriu Incarrigau